


天文管窺輯要

六十七之七十一



漢書門類		九六二九	二函	二冊
		二四	二架	

內閣文庫		漢書	九六二九	二函	二冊
			二四	二架	

內閣文庫		漢	9629
番號	冊數	24	(22)
函號	架號	305	261



A 1 2 3 4 5 6 7 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



管窺輯要卷之六十七

安黃 鼎玉耳父纂定

淺草文庫

男九命簡臣

九思視先

九成

桐城方兆及子詒全閱

水變異占

江河水平不流有叛臣水忽無故不流婦人惑亂
政令廢失不出五年有亡國

水忽停天下饑流水無故易故道國易政停水
忽停天下兵起人家庭忽生泉其家大富泉忽自
出非所臣下爲亂有疾疫不出三年國有喪君肆
無故自出水泉將相爲亂一曰國內亂期三年泉
出市肆人相食泉水沸賤臣將貴
水忽自鳴作金聲土地分裂家國同占
大水無故自徙是謂陰反不過五年有反臣兵起
人流亡

河水清襄楷曰河者諸侯之象清者陽明之徵豈
諸侯有窺京師者乎一曰黃河清改受命
水逆流有逆臣張平子曰水爲五行之首滯而逆
流人君德不下而教逆也潛潭巴曰水逆者反命
也

水色變赤京房曰流水化血兵起又曰任用殘賊
殺戮不辜則水化爲血
魯襄公二十三年穀洛水鬪後數年靈王崩景王
立儋括欲弑王而立王弟佞夫佞夫不知而王并
殺佞夫及景王崩五大夫爭權或立子朝王室大

亂
秦武王三年渭水赤三日昭王三十四年渭水又
赤火沴水也秦政刻急以致此異京房易傳曰君
湏於酒淫於色賢士潛退國家危亡厥異流水赤
漢光武二十四年六月丙申沛國睢水流一日一
夜止

安帝永初六年河東池水變色皆赤如血占曰人
君好任殘賊殺戮不辜延及親戚則水化爲血
元初二年頻城襄城臨水化爲血京房占曰水化
爲血兵且起

桓帝延熹八年四月濟陰東郡濟北河水清

靈帝建寧四年二月黃河水清

苻堅時長安有水影遠觀若水視地則見人至堅
晚年乃止

宋文帝元嘉二十四年夏四月河濟俱清二十五
年冬青州城南遠望見地中有水有人影調之

陳宣帝大建十四年七月時後主已卽位江水赤
如血自建康西至荊州禎明中江水赤自方州東

至海此火殄水也五行節變陰陽相于氣色變亂皆敗亂之徵也京房曰水化爲血兵且起後王卒爲隋所滅

禎明二年四月郢州南浦水黑如雲黑水在雍州今淮南水黑荆楊之地入秦之應也

後齊河清元年四月河濟俱清襄楷曰河乃諸侯之象應濁反清諸侯將爲天子也後十餘年隋有天下

後周大象元年六月咸陽池水變爲血是時刑罰峻急未幾國亡

隋大業三年武陽郡河清數里十二年龍門又河清後二歲而唐受禪

唐武后長安初并州文水縣猷水竭

中宗神龍二年三月壬子洛陽城東七里地如水樹木車馬歷歷見影漸移至都月餘乃滅長安街中徃徃見影昔苻堅之將死也長安常有是事

宋紹興十四年五月饒州樂平縣何衡里田隴數十百頃當霽天無雲白水如爲物所吸聚爲一直

西行高平地數尺不暇堤防而水自行里南程家
井水溢亦高數尺天矯如長虹聲如雷穿墻毀樓
二水鬪於杉墩且前且却約十刻乃解各反故壑

火變異占

天火燒野中五穀其國將亡○天火燒山阜百姓
不安○天火燒萬物天下分裂○天火燒牛有兵
起○天火燒川原逆兵將起○天火燒樹木奸人將
起○天火燒宮室京房占曰君不思道厥妖火燒
宮

地忽生火光照耀其國亡○火自生自滅天下相

吞并○水中出火其國大人為賊所圖

漢桓帝延熹九年三月癸巳夜京都有火光轉行

民相驚譟時宦官專權鈎黨事起陳蕃寶武為曹

節時所害天下無復紀綱

晉穆帝升平元年涼州城東池中有火

宋開寶七年六月揀州有火自空墜於城北有物

如龍

火部占

炎帝爲火帝祝融爲火神易云火就燥火者大也
燧人春取榆桤之火夏取棗杏之火秋取柝柗之
火冬取槐檀之火各逐其時也
火之利人爲禮也齊田單設火牛以敗燕軍孟津
以火焚舟士不思返子產禳火於玄冥玄冥迴祿
於火神君不思道火燒宮傳曰棄法律逐功臣殺
太子以妾爲妻則火不炎上
天火燒宮殿閣室人君聽大臣爲佞大殃國之衰
有憂弱○天火燒宗廟人君不敬謹淫佚不正○

天火燒正殿此君不聽諫戮大臣佞人持政大風
旱爲災○天火燒后宮此人君以賤代貴○天火
燒朝廷社稷有大殃將亡○天火燒衛有大兵起
○天火燒積寶財物人君好貪賦斂重人不安○
天火燒國街天下大兵起燒城郭謂大火也軍破
將死大兵起燒郭門其地有謀人欲起○天火數
燒人舍兵方起燒山阜百姓不安萬物燒天下分
裂燒牛馬有兵屠裂○天火數起此人君貪財天
下有火燒逆兵方起○凡人數失火衆損動搖○

管子 卷之六十一
天火燒大樹木鳴呼者是謂奸人起歲夏有霜○
火無故自無光宰執不明一云主不明○火忽自
生自死天下相吞滅○火燒五穀國災將亡人君
內無政法外無信行於下則火爲災○天火燒川
原逆兵將起○天火燒軍壘中敗軍多○天火燒
街及道有兵大起○天無故自火國君不明○軍
營之地火出兵敗將亡○雨之際鬼火太多天必
旱也

水部占

水者大也水爲大水易云水流濕流而爲川瀆江
海也老子云上善若水淮南子曰積陰之氣而爲
水水者坎也水載天地高下無不至也一日水許
慎云天以一生水與北方雨水不時則水潦爲敗
商羊鼓舞而大雨時齊有水災
黃河水清則聖人出千年一清○水先清白青黃
黑變各三日帝王起○河洛水有龍見帝王興○
醴泉出王者之瑞○水見大魚吉黃帝因大霧遊
洛水見之以三牲醮乃得圖書○河水忽從一里

管子地員篇
至三里是謂失政且有謀臣從五里至十里乃女
主執政外戚有背叛大水漂城郭軍破將死大兵
起○河水大壅臣下執政有背叛一云有大水憂
○水逆流是謂失道不出三年兵女主亂一云女
主起兵國亡水忽震波國主逃周幽王初經渭洛
山川水震周逃亡也

凡日出值乙卯日有大風卯上來暴有大水○正
月甲乙日春雨有水丙丁先雨夏有水庚辛壬癸
倣此

凡平原出水有人不出五年有逆臣行兵人流亡
○水平不流有臣反君臣相叛三年內有變改○
水變赤如血其地傷殺有流血水一半不流有反
臣○水忽不流婦人亂政一年內有大雨國亡○
水流忽停天下饑○停水忽流天下兵起○清水
忽自濁天下亂○都邑水中無故自絕及易處邑
人從亡○冬水不冰大饑○水三月八月有水大
兵喪不安○水忽自出於朝市及山谷有兵作亂
國○水夏水胡虜兵起民饑流亡○水中忽見異

類物皆主大旱○水流忽易道國易政佞臣用事
○水中或泥中火出有賊其國大凶○水中州嶼
長其分野益土○水流乾竭國易政周將衰洛水
竭○水忽自盈溢國君凶○秋水有冰臣下有憂
兵大起○水忽自鳴者民苦或釜鳴地土分裂人
家同占○水忽出石縫臣下爲咎有大水也
河水徙者不出五年有反臣兵將起人流亡○河
水徙十里已上君失道政歸臣下陂澤自竭邑虛
不利

井水動有聲庶人投石中吉○井泉中有龍出國
主及大臣百姓皆吉○井水有龍在中春見傷長
子夏傷妹秋傷老人冬無咎○井泉清而見底大
吉○井水無故氣出叩天人民走國衰兵起○井
中水赤色邑虛大臣執政相攻國亡○井中湧沸
宗廟火災○井中流大臣驕兵方起○井中溢出
清澄徹主暴貴○井中沸民暴死三十日不汲之
則吉○井水湧溢及濁或有聲如泣皆君之將亡
也○井水湧沸出於平地道里絕姦猾之臣將有

兵起○井及池水有波浪聲者有賊來侵湧泉忽
出臣下爲害或疾疫不出三年國有喪
天不雨而生泉其國大水○人家庭中忽有泉水
出出將欲大富○軍地泉出大戰必勝一日將平
戎虜一日戰敗
將軍絕魚其地反有兵○水中魚無故自死世主
亡○比目魚非所出而見王者有恩及百姓○水
春水爲兵其歲不安○魚行入道兵起寇宇屋室
有破軍殺將○大魚浮水而死傍岸一年內有大
臣薨○鯨魚出海而死世主死○魚飛去國有暴
兵水族之怪人見之有不祥之兆

金石飛動占

石自動臣爲變一日其地有兵亂一日石無故自
動有遷徙○石自起立當有天下人爲上者京房
曰石立如人庶人爲天下雄立于山者同姓平地
異姓立于水聖人于澤小人○石自起相擊左右
親人離叛○石躍臣爲亂劉向曰失衆心令不行
言不從以亂金氣也○石走其地有兵起

漢武帝征和二年春涿郡鐵官鑄鐵鐵鋪皆飛去
其三月涿郡太守劉屈氂入爲丞相後坐太子事
妻子皆誅

漢昭帝元鳳三年正月太山之萊蕪山南匈匈有
數千人聲民往視之有火石自立高一丈五尺大
四十圍入地深八尺三石爲足石立處有白鳥數
千集其旁眊孟以爲石陰類下民象太山岱宗王
者易姓告代之處當有人爲天子者

成帝河平二年正月沛縣鐵官鑄鐵鐵下有聲如
雷鼓音工人驚走音止還視地陷數尺鑪分爲十
一鑪中銷鐵散如流星皆騰上去其夏帝舅五人
封列侯元舅王鳳擅政譖殺丞相王商京兆尹王
章廢許后而立趙飛燕賊害皇子帝卒亡嗣

晉惠帝大安元年丹陽湖熟縣夏架湖有大石浮
二百步而登岸民相驚譟曰石來尋有石兵入建
業

梁武帝中大統元年春曲阿縣建陵隧口石麒麟
起

梁大清元年送石辟邪二于建陵于車上振躍者
三車兩轅俱折換車者三車輪陷入土三寸其後
有侯景之亂

陳後主貞明二年五月東冶鑄鐵有物如斗大赤
色自天墜鎔所隆隆有聲鐵飛破屋四散燒人家
其後國降于隋
石虎時鄴西岩間血流長千餘步廣二尺餘
宋高宗紹興二年宣州有鐵佛像生高丈餘自動
送前送却數日既而郡中火起

金鐵出涕有悖亂事一曰國將亡隨其所在之地
有災○石人泣戎兵起○石忽濕出汗如血其地
有兵起流血
晉惠帝元康三年三月殿前六鍾皆出涕五刻止
是時賈后專政
唐至德二年昭陵石馬出汗昔周武帝克晉州齊
有鐵像汗流濕地此其類也

金石變異占

金石上忽生如粟狀其地有災在器則其王者當

管窺輯要 卷之六十一
之○石自出火焚物臣下謀亂○石鳴民力彫盡
必有大兵○石自高隕其國君危○石隕于天王
者失民一曰臣將危君一曰土墜之象○山石墜
落京房曰自上下者爲崩改受命人君虜○石忽
生五金其地兵災○石生脉如絲髮不出五年兵
士謀叛○石化爲玉賤人將貴○玉化爲石貴人
且賤○石無故自破其地有死亡○石折有水主
謀不成○石化爲人形君絕嗣地鏡曰庶雄持政
○石化爲禽獸形諸侯近臣外戚謀反○石忽赤
如血色地鏡曰父子道絕臣不從君命○石忽生
土中其地有亂○石忽自生地鏡曰石生方正王
公外謀不出三年逆兵起○石生重系不出五年
相謀逆且成○石生如乘不出五年其邑有兵○
石生道中其國邑亡○石生水中上見近臣與女
主連謀逆不出八年兵起○石生都邑人君去故
就新不出三年易主更改○石生平野庶人與臣
謀反不出三月○石生廟中人主不行先王法度
不出三年易主○石生作人形姦臣持政君無嗣

○石生如飛鳥形內戚女主近臣有謀逆者○石生作獸形諸侯起兵

魯昭公八年春石言于晉魏榆魯平公問師曠曰石何故言對曰石不言神或憑之作事不時怨讟動于民則有非言之物而言

二十四年十月癸酉王子朝以成周之寶圭沈于海河甲戌津人得之河上陰不佞取將賣之則爲石癸酉沈而甲戌出神不納也玉化爲石貴將爲賤也後二年子朝奔死于楚

漢成帝鴻嘉三年五月乙亥天水冀南山大石鳴聲如雷聞平襄二百四十里野雞皆鳴石長三丈廣厚略等勞著岸脇去地二百餘丈民俗名曰石鼓石鼓鳴卽有兵是歲廣漢鉗子謀政牢篡死囚鄭躬等盜庫兵劫畧吏民後四年樊並等反殺陳留太守山陽亡徒蘇令等數百人盜庫兵經歷郡國四十餘皆踰年乃伏誅

晉惠帝元康八年五月郊禱壇石破爲二郊禱求子之神位無故自毀太子將危之妖也明年愍懷

廢死

懷帝永嘉元年項縣賈逵石碑生金可采五月汲桑作亂羣賊蜂起

潘河王覃爲世子時所佩金鈴忽生起如粟者其母以爲不祥毀棄之及後爲惠帝太子不終于位爲司馬越所殺

愍帝建興五年石言于平陽時帝蒙塵亦在平陽俄而遇害

石虎時石然子于太山八日而滅東有大石自立旁有流血

隋開皇末高祖于宮中埋二小石于地以誌置牀之所末

唐開元二十三年十二月己巳龍池聖德頌石自鳴音如鐘聲

異人見占

長人見其國亡○有人入殿不知其名大水爲災羣猾並謀其國易政○地中出人京房曰君憂民流亡國亡地

年錄事 卷之六十一
周赧王三十年齊有人當闕而哭求之不得去則聞其聲無何燕師入齊潛王出走爲淖齒所殺秦始皇帝二十六年有大人長五丈足履六尺皆夷狄服凡十二人見于臨洮是歲始皇初并六國收天下兵器鑄金人十二以象之

三十六年鄭客從關東來至華陰望見素車白馬從華山上不知其非人道止而待之及至持璧與客曰爲我遺鑄池君明年祖龍死忽不見客奉璧始皇使御史視之卽二十八年過江所沉璧也

漢武帝正和二年上居建章宮見一男子帶劍入中龍門疑其異命收之男子捐劍走逐之弗獲上怒斬門侯發三軸騎士大搜上林閉長安城門索有十一日乃解于是巫蟲事起

人死復生占

人死復生國有大病五穀死傷兵起京房曰子不三年改父之道而爲私厥妖人死復生
京房曰占死人至陰爲陽下人謀爲上又曰死人復行五穀不登兵大起一曰死人復生廢家得位

漢平帝元始元年二月朔方廣收女子趙春病死
 劔棺積六日出在棺外自見夫死父曰年二十七
 不當死太守譚以聞京房曰至陰為陽下人且為
 上
 獻帝初平中長沙桓氏死棺劔月餘其母聞棺中
 聲發之遂生其時曹公用庶士起
 建安四年武陵克縣女子李娥年六十餘物故其
 家以木椁劔葬于城外十四日有行人聞冢中有
 聲便語其家往視聞聲發出遂活

人化異物占

人生角京房曰權臣專政厥妖人生角天下兵角
 兵象也一曰人生角下反上
 人化為獸國無政化將亡之兆
 男子化為婦人潛潭巴曰小人聚天子弱則丈夫
 化為女子京房曰男化為女茲謂陰勝陽柔勝剛
 其國亡一曰有異姓奸奪主國者
 婦人化為男子潛潭巴曰賢人去天子獨則婦人
 化為丈夫京房曰女化為男茲謂陰昌賤人為政



管窺輯要 卷之六十一
其國必亡又曰君將絕嗣則婦人化爲丈夫亦曰
將有易代之事

魏襄王十三年魏有女子化爲丈夫占曰男化爲
女宮刑濫也女化爲男婦政行也

漢景帝二年膠東下密人年七十餘頭角有毛時
膠東王舉兵皆吳楚反角兵象也

哀帝建平中豫章有男子化爲女子與人爲婦生
一子長安陳鳳言此陽變爲陰將亡繼嗣自相生
之象又曰嫁爲人婦生子者將復一世乃絕也

後漢靈帝中平元年江夏黃氏母浴而化爲元龜
入於淵其後時出見初浴簪一銀釵及見猶在其
首

人生子異常占

人生而能言京房曰言之不知則人生而能言天
使我代其言也地鏡曰國多讒賊則有人生而能
言又曰人生而言善惡如其言
人生而能行京房曰其國不昌君有憂又曰自受
其殃黔首散亡地鏡曰王事急民欲流亡國有兵

則有人生而能行

漢哀帝建平四年四月山陽方與女子田無嗇生子先未生二月兒啼腹中及生不舉葬之陌上三月人過聞啼聲語其母掘收養之

人生子異形占

人生子二首不一也足多所任邪也足少下不勝任也下體生子上不敬之咎也上體生子下媠瀆之應也生非其類淫亂生而能言好虐也凡人病皆以此推之

人生子多首君主有咎民饑流亡○人生二首不出三年王者起征四方無首者亡一曰人生兩頭天下有二王○人生五首天下大猾起○人生子首在背天下易鄉○人生而首目在下茲謂無上國易政獸同占○人生子而大頭有髮蹠反向上下人伐上○人生大頭不出三年兵伐其邑○人生子有四目天下憂民流亡不出一年大旱一曰天下主凶○人生一目國不安○人生三目兵起橫害○人生四目兩首主亡○人生子二口五穀

不登百姓喪亡京房曰人生二口以上國憂兵起
○人生子有十口春秋演孔圍曰國將亡陰不勝
陽怨望則十口之人出○人生子有長舌天下有
兵○人生一耳君不聽○人生二耳以上是謂多
方其國無王一曰是謂多聽國事無定○人生二
鼻民謀其主○人生一手其國有咎三臂有反臣
○人生三首以上臣謀主○人生三足天下起兵
天鏡曰人生多足是謂大役其國東西移走○人
生三足不出三年其國兵喪○人生一足是謂不
行國無主○人生足小京房曰是謂不約不出三
年其國消亡○人生三十指其邑民流亡○人生
有兩身世主被殃人民散亡○人生有二背臣反
主亡○人生有兩腹不出年歲大熟國以仇亡○
人生有三腹其國分○人生目在首上反后天子
亡○人生目着腹天鏡曰五穀熟橫兵起○人生
目在頂背天子不安○人生目在背及手天下有
大事○人生目腹下天下睽隔不相見○人生目
在陰天子失位○人生目在踵及足是謂下視天

下大兵○人生口在手指及腦國主亡○人生口在四肢人主亡○人生口在腹旁天下有兵一曰是謂大德五穀豐熟○人生口在節天下饑人流亡○人生兩口皆背天鏡曰人民安五穀昌○人生鼻在頂及背天下不安○鼻在首前太子有殃○鼻在腹天下大荒○鼻在四肢節天子亡○鼻在陰兵起天子降○人生耳在首天下有兵國君喪民流亡○耳在腹天下兵起○耳在背及肩項天下有大憂○耳在四肢及首足節有叛主○人生腹在背天下饑○腹在手前後天下民饑與作○腹在足股天下有大兵天子易○人生四肢在背天下大兵○人生陰在首天下大亂○陰在背天子無后陰在腹天下有大事○人生無頭世主凶無目其國主暴死○人生無口其國主被賊一曰多病春秋運斗樞曰上敵下塞則人生無口無舌天子不慧則無口鼻世主凶其國饑無鼻其國大亂無足其地大饑無手其地有客兵至無手指天子有今無手掌世主憂病無四肢其國有反無

管子地員篇

陰其國君無子國主以仇亡一曰人生無足有大
喪不出三年其國空人生無骨其國昌

漢平帝元始元年六月長安女子生兒兩頭黑頸
面相向四臂共胃俱前鄉屍上有目長二寸許京
房曰睽孤見豕負塗厥妖人生兩頭不相攘善其
妖同人若六畜其類以理推之

後漢靈帝建寧二年雒陽上西門外有女子生兒
兩頭異肩共胸俱前以爲不祥棄之自此以後朝
廷霧亂政在私門上下無別二頭之象是後董卓
殺太后廢天子自漢以來禍莫逾此

中平元年六月壬申雒陽劉倉妻生男兩頭共身
人生子多占

婦人一生三男天鏡占曰不出三年外國來一生
三女其國有陰私事國內婦人數生二子或三子
不出三年粟貴十倍

人生異物占

人生肉不成形體其國邑亡○人生五穀京房曰
其國昌○人生草木其國主死○人生石其國兵

強○人生異類其地兵起○人生野獸國君兄弟
分別不出一年夷狄內侵京房曰人生野獸天下
通流○人生野獸異形兵起國亡○人生早寇下
人謀上天子降爲庶民○人生狀如飛鳥兵起京
房易候曰人生飛鳥茲謂不祥司馬將上卿亡○
人生子人面鳥身兵起大戰有大水或曰人生飛
鳥有人形者天下分天鏡占曰人生飛鳥其國君
憂民流亡○人生龍京房曰有異姓來相因而篡
之地鏡曰國君見伐則人生龍○人生人面龍蛇
身兵起○人生人形龍蛇其首天下饑兵合○人
生蛇或蜂蠆天下并民○人生蛇蜴國有夜破君
出走○人生人身魚首皆爲有水火災國君有咎
○人生六畜是謂更明天下易主○人生牛馬百
姓勞苦其地兵起○人生犬豕其君失道○人生
人形六畜面天子不聰一曰易天子○人生六畜
口天下有大兵在背天下有反者○人生六畜口
在陰天下有惡天子○人生六畜耳在首上天下
有憂一曰有反者○耳在四肢大荒兵起○耳在

腹及胸天下有反臣○耳有陰臣有謀王者○人生畜四肢在手及腹天下亂○人生六畜三首天下三分三首以上天下亂爭○人生六畜兩身天下兵起○人生六畜一口國令不行若有兩口以上天下有兵三耳以上天下有大事一足天下無主二足天下有大憂二陰國主多內寵多子二尾以上天下有大事○人生六畜陰在首天下大亂天子失位○人生六畜有毛羽天子失位○人生六畜無毛天下大饑無毛有羽天子無朝身半無毛半有毛國有大事○人生六畜有四肢而無節天下有惡人○人生六畜無面天下兵作無首天子失位天下無主無目社稷亡無口天下大饑兵起無腹同鼻天下災無耳君令不行于臣無四肢天子無患臣無陰天子無后無骨天下昌無尾是謂無後近臣反殺其主○人生女子有赤毛京房曰人主尊卑無別則女生赤毛○
有女子 生赤毛稱爲大聖因舉兵反衆至數萬官軍擊破之又京房易飛候曰妖言動衆茲

謂不信路無人行不出三年起兵自是大亂

野無與同鼻天下災無耳吾今不行于野無四姓
子尖出天可無主無目無口無口天可大難兵
天可育惡人○人主六畜無面天可兵并無首天
手半育手國育大毒○人主六畜育四翅而無首

管窺輯要卷之六十八

六安黃式鼎王耳父纂定

去亦日大亦順

侄九錫公位

九疇倫敘

九如眉介
桐城方兆及子詒全閱

神光占

人身之神在心心之神在目故目中常有神光神
光去則災厄至故常于暗處以手指按兩眼角搖

之其光赤黃吉白防兵青黑有憂凡有疾病神光
不存七日死
出行忽然心動鼻酸急察神光青防奸人黑防盜
宜備之

將兵至營必察神光不在必有厄
飲食起居凡有心動須察神光不在急防禍害若
舌動唇孺神光不在妾婦爲賊心動掌孺交友爲
賊急察神光左目光存則從左去右目光存則從
右去二目俱有人不能害

渡江河先察神光不存勿渡左目孺爲他人事右
目孺爲自己事
鼻酸耳鳴患害將至有神光者無傷無則不免
耳忽聞聲喚或忽如雷鳴鼻忽聞臭腥皆是惡候
宜察神光隨光所在之方去之
天鼓目孺占
凡疾病天鼓不鳴凶
將軍眼孺動耳鳴及無故自驚不自覺而吐嗟皆
爲下人有謀

將軍踵中高語自覺驚寢謀計必成

將軍夢占

將軍夢得大魚戰大勝○夢中聞雷必破大賊急

進軍勝○夢日暈下人謀上○夢雪霜兵失勢在

夏月軍潰散○夢擊鼓小鳴小勝大鳴大勝不鳴

則凶○夢食沙土必得城邑○夢大水泛漲戰必

勝○夢自身病主加爵困者大吉旁有哭聲者凶

○夢嘔吐病去其身○夢水乾得小魚半死半生

口舌起五日內戰不勝○夢牙旗倒折軍失利○

夢走馬得快利戰勝行遲凶○夢身飛颺大吉戰

勝○夢見天神有戰

人病

夏后氏衰有二龍止於夏庭而言余褒之二君也

夏帝卜殺之去之止莫吉卜請其禱也而藏之乃

吉於是布幣策告之龍亾而禱在乃匱去之也

其後夏亾傳匱於殷周三代莫發至厲王未發而

觀之禱流于廷不可除也厲王使婦人贏而譟之

禱化為玄黿入後宮處妾遇之而孕生子懼而棄

管子卷之六十一
三
之宣王立女童謠曰槃弧箕服實亾周國後有夫
婦鬻是器者宣王使執而戮之既去見處妾所棄
妖子聞其夜號哀而收之遂亾奔褒後褒人有罪
入妖子以贖是爲褒姒幽王見而愛之生子伯服
王廢申后及太子宜曰而立褒姒伯服代之廢后
之父申侯與緄西畎戎共攻殺幽王詩曰赫赫周
宗褒姒滅之

春秋魯襄公時宋有生女子赤而毛棄之隄下宋
平公母共姬之御者見而收之因名曰棄長而美
好納之子公生子曰佐後宋臣伊戾讒太子座而
殺之京房易傳曰尊卑不別厥妖女生赤毛

穀梁公羊傳曰長狄兄弟三人一者之魯一者之
齊一者之晉皆殺之身橫九畝斷其首而載之眉
兒於軾其後三國皆有篡弑之禍

長狄防風之後
漆姓國號鄭

秦始皇二十六年有大人長五丈足履六尺皆夷
狄服凡十二人見于臨洮始皇喜以爲瑞銷天下
兵器作金人十二以象之

漢哀帝建平四年四月山陽方與

縣名

女子田無齋

生子先未生二月兒唬腹中及生不舉葬之陌上三日人過聞唬聲母掘收養

建平中豫章有男子化爲女子嫁爲人婦生一子長安陳鳳言此陽變爲陰將亾繼嗣自相生之象漢平帝元始元年二月朔方廣牧女子趙春病死歛棺積六日出在棺外自言見夫死父曰年二十七不當死太守譚以聞六月長安女子有生男兩頭異頸面相鄉四臂共胸俱前鄉尻上有目長二寸所

漢安帝永寧元年南昌有婦人生四子太守劉祗問唐檀變異之應檀以爲京師當有兵氣其禍發於蕭牆至延光四年中黃門孫程揚兵殿省誅皇后兄車騎將軍閻顯等立濟陰王爲天子果如所占

漢桓帝時竇武母產武而并產一蛇送之林中後母卒及葬未窆有大蛇自榛草而出徑至喪所以頭擊柩涕血皆流俯仰蜷屈若哀泣之容有頃而去後武至靈帝朝爲大將軍封聞喜侯爲曹節王

甫所誅盡夷其族

漢靈帝建寧三年春河內婦食夫河南夫食婦

靈帝時江夏黃氏之母浴而化為黿入于深淵其

後時見初浴簪一銀釵及見猶在其首

漢獻帝初平中長沙有人姓桓氏死棺斂月餘其

母聞棺中聲發之遂生

獻帝建安四年二月武陵光縣女子李娥年六十

餘初故以其家杉木榱斂瘞於城外數里上巳十

四日有行聞其塚中有聲便語其家家往視聞聲

便發出遂活占曰至陰為陽下人為上其後曹公

由庶士起

三國魏文帝黃初初清河宋士宗母化為鼈入水

魏元帝咸熙二年八月襄武縣言有大人見長三

丈餘跡長三尺二寸髮白着黃巾黃單衣拄杖呼

王始語曰今當太平晉尋代魏

元帝即陳留王

三國吳孫休永安四年安吳民陳焦死亾日復生

穿冢出

吳孫皓寶鼎元年丹陽宣騫母年八十因浴化為

寵兄弟閉戶衛之掘堂上作大坎實水其中寵入坎遊戲一二日恒延頸外望伺戶小開便輪轉自躍入於遠潭遂不復還此與漢靈帝時黃氏母同事吳亾之兆也

晉武帝太始五年元城人年七十生角
晉惠帝元康中梁國女子許嫁已受禮娉尋而其夫戍長安經年不歸女家更以適人女不樂行其父母逼強不得已而去尋得病亾後其夫還問女所在其家具說之其夫徑至女墓不勝哀情便發冢開棺女遂活因與俱歸後壻聞知詣官爭之所在不能決秘書郎王導議曰此是非常事不得以常理斷之宜還前夫朝廷從其議

惠帝之世京洛有人兼男女體亦能兩用人道而性尤淫此亂氣所生也

惠帝世杜錫家葬而婢誤不得出後十年開冢祔葬而婢尚生始如瞑有頃漸覺問之自謂再宿耳初婢之埋年十五六及開冢更生猶十五六也嫁之有子

晉懷帝永嘉元年吳郡吳縣萬詳婢生子烏頭兩足馬蹄一手無毛尾黃色大如枕此亦人妖亂之象也

永嘉五年五月抱罕令嚴根妓產一龍一女一鵝京房易傳曰人生他物非人所見者皆爲天下大兵

晉元帝大興初有女子其陰在腹當臍下自中國來至江東其性淫而不產又有女子陰在首渡在楊州性亦淫京房曰陰在首天下大亂在腹天下有事在背天下無後又尚書郎謝平妻生女墮地漚漚有聲須臾便死鼻目皆在項上而處如項有口齒都連爲一胸如鼈手足爪如鳥爪皆下勾此亦人生他物非人所見者後二年有石頭之敗

晉成帝咸康五年四月下邳民王和僑居暨陽息女可年二十自云上天來還得徵瑞印綬當毋天下晉陵太守以爲妖收付獄至十一月有人持柘杖絳衣詣止車門口列爲聖人使求見天子門候受辭辭稱姓呂名賜其言王和女可右足下有七

年知轉要 卷之六十八
星星皆有毛長七寸天今命可爲天下母奏聞卽
伏誅并下晉陵誅可

晉康帝建元二年十月衛將軍營督過望所領兵
陳竇女臺有文在其足曰天下之母灸之愈明京
都誼譁有司收繫以聞俄自建康縣獄亾去明年
帝崩獻后臨朝此其祥也

晉安帝義熙七年無錫人趙失年八歲一日暴長
八尺髯鬚蔚然三日而死

義熙中東陽民莫氏生女不養理之數日於土中
啼取養遂活

義熙末豫章吳平人有二陽道重累生

後趙石勒時黎陽人陳武妻一產三男一女武攜
其妻子詣襄國上書自陳勒以爲和氣所致二儀
諧暢賜其乳婢一口穀一百石雜綵四十匹

南宋文帝元嘉二年二月燕有女子化爲男燕主
以問群臣傅權對曰西南之末雌雞化雄猶有王
莽之禍况今女化爲男臣將爲君之兆也燕果一
紀而亾

南宋明帝泰豫元年春正月丁巳巨人跡見西池
水上四月帝崩

南梁呂僧珍初事武帝起兵一夜忽頭痛壯熱及
明而顙骨益大其骨法益有異焉天監十年疫病
僧珍語親舊曰吾昔在蒙縣熱病發黃時必謂不
濟主上見語卿有富貴相必黃死非也俄而果愈
吾今已富貴而復發黃所苦與前政同必不復起
竟如言卒

南梁孫謙字長遜天監中爲光祿大夫歷官廉潔
居身儉素牀施蘧蔭屏風冬則布被筦夏日無幃
帳而夜臥未嘗有蚤蚋人多異焉末年頭生二肉
角各長一寸卒年九十二

南漢劉鋹梁大寶九年南海民妻生子兩首四臂
北齊趙郡王叡嘗奏後主和士開不宜仍居內因
出士開爲袁州刺史太后欲留百日叡正色不許
其後叡方寢見一人長可丈五臂丈餘當門向牀
一臂壓叡良久遂失甚惡之起坐嘆曰大丈夫運
命一朝至此且欲入朝妻子咸諫止之不聽至殿

門又有人曰願勿入獻曰吾上不負天死亦無恨
入見太后太后復以爲言獻執之彌固出至永巷
被送華林園於崔離佛令劉桃枝拉殺之大霧三
日朝野冤惜

隋文帝仁壽四年六月有長人見於雁門

唐太宗貞觀十九年衛州人劉道安頭生肉角隱
見不嘗因以惑衆伏誅角兵象肉不可以觸者

貞觀中薛延陀將滅有丐食於其部者延客帳中
妻視客人而狼首主不覺客已食妻語部人共追
之至鬱督軍山見二人焉曰我神也薛延陀且滅
追者懼却走遂失之後果敗此山下

唐高宗顯慶二年普州有人化爲牾

高宗儀鳳三年初鶉觚縣衛士胡萬年妻吳生一
男一女其胸相連餘各異體乃析之則皆死又產
復然俱男也遂育之至是四歲以獻于朝

唐則天神功元年來俊臣婢產肉塊如二升器剖
之有赤蟲須臾化爲蜂螫人而去

則天久視二年正月成州有大人跡見長安中柳

州佐史因病化爲虎欲食其嫂擒之乃人也雖未全化而虎毛生矣

唐懿宗咸通十三年四月太原晉陽民家有嬰兒兩頭異頸四手聯足此天下不一之妖是歲民皇甫及年十四恭長七尺餘長啜大嚼三倍于初歲餘死

唐玄宗開元二十三年四月冀州獻長人李家寵八尺有五寸

唐僖宗僖軍山年秋蜀郡婦人尹生子首如豕目在睢下占曰君失道

僖宗光啟元年隰州溫泉民家有死者旣葬且半月行人聞聲呼地下其家發之則復生歲餘乃死唐昭宗大順元年六月資州兵王全義妻如孕覺物漸下入股至足大拇痛甚折而生珠如彈丸漸長大如杯

宋太宗太平興國九年揚子縣民妻生男毛被體半寸餘面長頂高烏肩毛麤密近髮際有毛兩道軟長眉紫唇紅耳厚鼻大類西域僧至三歲畫圖

以獻

太宗淳化元年八月汾州悉達院僧智巖頭生角三寸

宋仁宗天禧四年七月來陽縣民張中妻產三男其額有白誌方寸餘上生白髮

宋徽宗宣和六年都城有賣青果男子孕而生子蓐母不能收易七人始免而逃去豐樂樓酒保朱氏子之妻可四十餘楚州人忽生髭長僅六七寸疏秀而美宛然一男子特詔度爲女道士

自天聖迄治平婦人生四男者二生三男者四十四生二男一女者一熙寧元年距元豐七年生三男者八十四四男者一二男一女者一元豐八年至元符二年生三男者十八四男者二三男一女者一元符三年至靖康生三男者十九四男者一前志以爲人民蕃息之驗

宋高宗紹興三年建康府桐林灣婦產子肉角有齒是歲人多產鱗毛

宋孝宗乾道五年潮州城西婦孕過期產子如指

大五體皆具者百餘蠕蠕能動
孝宗淳熙十年鄱陽南鄉婦產子肘各有二臂及
長鬪則六臂並運

淳熙十三年十一月鄧家巷婦產肉塊三其一直
目而橫口

淳熙十四年六月臨安府浦頭婦產子生而能言
四日暴長四尺

宋光宗紹熙元年三月崑山縣工采石而山壓至
三年六月它工采石隣山聞其聲呼相應答如平
生其家鑿石出之見其妻喜曰久閉乍風肌膚如
裂俄頃聲微噤不語化爲石人貌如生

宋寧宗慶元元年樂平縣民婦產子有尾永州民
產子首有角腋有肉翅二年七月進賢縣婦產子
亦如之而面又有三日
寧宗嘉定四年四月鎮江府後軍妻生子一身二
首而四臂

金世宗大定十三年正月尚書省奏宛平張孝善
有子曰合得十二年三月旦以疾死至暮復活云

是本良鄉人王建子喜兒而喜兒前三年已死建
驗以家事能具道之此蓋假屍還魂擬付王建爲
子上曰若是則姦倖小人競生詐僞瀆亂人倫止
付孝善
元世祖至元二十年二月高州張丑妻李氏一產
四子三男一女四月固安州王得林妻張氏懷孕
五月生一男四手四足圓頭三耳一耳附腦後生
而而卽死具狀有司上之

元順帝仍改至元元年正月汴梁祥符縣市口一
乞丐婦人忽生髭鬚

順帝至正九年四月棗陽縣民張氏婦生男甫及
周歲長四尺許容貌異常蟠腹擁腫見人輒嬉笑
如俗所畫布袋和尚云

神鬼占

神吟嘯其國亡○神降于國其國將亡一日君死
淮南子曰夏桀亂政黃神吟嘯鬼神失其臨也左
氏傳曰有神降于莘于是號亡○鬼扣人門擲人
屋天鏡占曰有疾疫人死不出一年

鬼呼天鏡占曰大人當之是謂喪亡不出一年天下爭地一日哭祖民分散

鬼夜哭董仲舒曰人君失禮于宗廟咎及于外則

鬼夜哭京房曰國空虛臣尸祿則鬼夜哭

鬼哭則其國亡○鬼書人屋舍房壁有死喪

周大象二年尉遲迴敗于相州坑其眾數萬人于

遊豫園其地每聞鬼夜哭明年周王公皆見殺周

亦尋亡

隋仁壽中仁壽宮及長城之間數聞鬼哭尋而后

及帝相次崩于其宮

鬼呼人名占

子日損小口六畜午日有詛呪丑日老人暴死未

日有小口災寅日有驚恐妨小口申日死亡卯日


家有大災酉日父母憂辰日憂妊婦戌日暴亡巳

日憂父母亥日兵傷

人物部占

天地之道人爲貴也人者修仁則貴爲德爲福不

仁則爲禍爲殃故傳曰妖由人興人無諉焉凡人



有改變不合時常則天地示吉凶之應也
凡人君自變改衣服欲衰亡人君好着小衣服臣
下用意不出三年邊有急兵君臣有反政
臣下好着小衣服國人卑人衆好着黃衣服王明
人好着素衣國豐
人好聚會飲食將欲饑米貴人君暴死疫有導夷
狄入中國
人君無故自爲國門不出三年夷獻重寶國以亡
也人君無故高冠不出三年有大兵及水

人君及人無故衣冠變易常法國有喪服之憂○
人君及人無故好畋獵走馬敗德五年內有兵革
興
人君好訛言不出一年易位○人君衣履服物無
故夜亡其處近臣爲賊
人君無故自填其宅是謂穿德不出三年必有荒
田外境不通五年內興兵相攻
人君好冠歛頭至弱不出五年王被脅從
人君及民無故高其冠不出三年有逆臣○人君

及民無故好短中六年內邊臣相攻君弱臣強
人君冠如血急焚之○人君好嗟異歌詞國將亡
○貴人無故變異節度六年內有兵喪

人君無故自修其社稷前吉後有咎不出八年有
失政○人君好冠纓及婦人衣素服帶劍皆為強
臣人欲短喪

衆人無故易其號上易政○衆人好反言去存就
亡○衆人好訛言善惡如其言
人民好倡樂是謂改天下罰其上下不出一年有

誅丞相○人民無故警奔者春一年夏二年秋三
年冬四年為失政兵起之象

人衣無故腥臭者賊來○衆人言外國有異色人
此欲伐他國

人尚色衣兵革興起○人厭五穀必有饑餓不出
三年兵亂

凡人宴會不施死菓旋布其食薺菜遼亂國亂大
兵欲作

人民衣色衆好深者年多霖雨○人民好麪賤米

米必貴五穀皆準此占

衆人衣色尚汝年多旱○衆人好寬衣時年太平
人尚胡食番來侵境必有改易兵作好戴胡帽胡
賊盜國

禮樂時風不相拜跪國破怪異○人衣無故自裂
有聲急貨之吉

民好素衣服及小者三年有削地兵革興
婦人好爲小人衣是謂易常陰持國政兵馬禳之
人尚反語逆臣伐主

婦人梳髻奉撮如鬢國破大亂人民流逆○婦人
施黛面首空畫眉不塗口國欲亂人流亡○婦人
梳掠逆挿釵國多不臣各持甲戈○女人衣服時
尚束腰國亂人亡征伐無罷

人生他物非人見者天下大兵○人生下便行五
事人流亡○人生便行國有大兵起○人生牛馬
大兵起○人生諸異獸人流亡○人生有四目四
國來侵世主衰兵起○人生三男外國來降○人
生男女或三或四大亂欲作國破兵起○人生便

語國有大讒賊○人頭上生角天下有兵○人從地生及異類人來入國不出六年有兵圍城○人生而不見形者王事急民流亡國有兵○人生鼠其地被奪○人生野獸兄弟分一年內夷狄內侵○人生鯢魚頭者君大咎及有大水○人生閉口天下饑有憂誅兵起○人生無頭及無手足皆世主將亡○人生無鼻耳者主凶國亂○人生多足暴兵起人流亡○人生一頭兩身君主憂失權柄○人生無足者有兵喪

小兒壅土車轍戲者四夷侵國○小兒聚土爲城兵起一曰其地兵起○小兒街巷中以土自壅爲營不出一年有兵守城一曰是謂熒惑下守不出一年有兵攻城○小兒爲車馬戲者不出一年將軍兵革興○小兒爲旌旗兵馬戲者不出一年有流血大戰一曰兵興不出一二年
男女衣服粧飾似番胡羯欲亂中原
凡人有吉凶之事神魂皆有動靜或心動目聽耳聲或先夢告人之吉凶當以神光占之察其善惡

忠心以被掩面閉目數息去其神視之前見白色
 兵喪赤色口舌血光青色疾病黑色有憂黃色有
 喜此法在人志心生勿輕慢之
 軍戎夢見水者兵起吉○將軍夢見入海兵事欲
 行○夢見大魚必大戰宜守○夢見羣鳥亂飛有
 賊欲至○將軍夢雷鳴動振所夢方所戰必大勝
 ○將軍夢槌鼓大鳴大勝小鳴小勝不鳴者凶○
 臨敵夢雨白狀擊人賊弓必強戰必不勝損兵宜
 自固守○將軍夢水濁而波濤持兵不戰吉○將
 軍夜得大魚及獸脇肉戰必大克

六安黃

鼎玉耳父纂定

男九命簡臣

九思視先

九成

桐城方兆及子詒全閣

草木生異狀占

凡草木忽生異狀其地兵起百姓受殃一日其地
 管窺輯要卷之六十八終

其表赤色口舌血光青色疾病黑色有憂黃色有
喜此法在人志心生勿輕慢之

甲戎夢見水者兵起吉○將軍夢見入海兵事欲

行○夢見大魚必大戰宜守○夢見羣鳥亂飛有

賊欲至○將軍夢雷鳴動其所夢方所戰必大勝

○將軍夢槌鼓大鳴大勝小鳴小勝不鳴者凶○

婦敵夢兩白狀擊人賊弓必強戰必不勝損其宜

軍奔將大魚交糟湖肉燂必大京兵不戰吉○將

管窺輯要卷之六十九

六安黃 鼎玉耳父纂定

男九命簡臣

九思視先

九成

桐城方兆及子詒全閱

草木生異狀占

凡草木忽生異狀其地兵起百姓受殃一日其地
有作逆者○野草生如旌旗其野有兵○草生為

龍蛇人獸之形是謂草妖其地有兵亂

後漢安帝中平元年夏東郡陳留濟陽冤句離狐縣界有草生其莖靡纍腫大如手指狀似鳩雀龍蛇鳥獸之形亦有作人狀操持弩者其毛羽頭目翅足皆具是歲黃巾賊起東關義兵先起宋衛之郊東郡太守喬瑁負衆怙亂陵峽同盟以隕厥命陳留濟陰迎助亂由此起漢遂衰亡草妖之驗也木生人狀京房曰王德衰下人將起則有木生人狀○漢武帝永始元年二月河南街郵樗樹生枝如人頭眉目皆具而無耳髮

哀帝建平三年十月汝南西平遂陽鄉柱仆化地生枝如人形身青黃色面白頭有鬚髮稍長大幾六寸一分

後漢靈帝熹平三年右校別作中有兩旁樗皆高四尺許其一株宿夕暴長丈餘大一圍作胡人狀頭目鬚髮備具其後李傕郭汜擁胡兵以入宮闕其應不虛矣

晉明帝太寧元年剡縣木生如人面是後有王敦

之禍小也木生同本異末京房曰君有慶木生連理其地有亂

草木異本同實將有異人同謀不利於國○晉懷帝永嘉六年五月無鍾縣有四株茱萸樹相繆而生狀若瑞連理先是郭景純筮延陵蠓鼠遇臨之益曰後當有妖樹生若瑞而非乃辛螫之木也儻有此東西數百里必有作逆者乃此木生後徐馥果作亂

草木異常占

黍生過大京房曰君憂相去○稷生過大憂大臣死蓬葉蕃生其歲不熟○木生枝悉向下垂其地大吉木生枝忽上聳其地有寇盜○木生一枝偏無葉其地歲惡人饑○木生而卽有實其邑有慶○木忽生異華在國則有大喪在邑則其邑有凶在人家則其宅長凶

唐顯慶四年八月有毛桃樹上生李其後有武氏之禍○開元二十一年蓬州枯楊生李實○長慶三年成都李樹生木瓜空中不實○咸通十四年

四月成都李實慶為木瓜李唐國姓也雜樹生菓
改故立新

草木暴長占

宮庭植木猝長其國昌君有嘉喜○野木生朝而
暴長小人暴貴危國亡家朝將為墟○木一夕忽
生枝葉多至十餘其邑將虛
殷王太戊時亳有祥桑穀共生於朝七日而大拱
大戊懼而修德桑穀俱死殷道復興○晉惠帝元
康九年六月庚子有桑生在東宮西廂日長尺餘

甲辰枯死此與殷王太戊事同晉太子不能修德
故至廢戮是後孫秀張林用事遂至大亂此小人
暴貴危國亡家之應也

草木生死榮落占

木枯死而復生亡國之後復興京房易傳曰枯木
復生人君無子又曰木死復生世主凶又曰木枯
反生內寵秉政

漢昭帝時上林苑中大柳樹斷仆地一朝起立生
枝葉有虫食其葉成文字曰公孫病已立昌邑王

國社有枯樹復生眚孟以爲木陰類下民象當有故廢之家公孫氏從民間受命爲天子者昭帝富於春秋霍光秉政以孟妖言誅之後昭帝崩無子徵昌邑王賀嗣位犯亂失道光廢之更立衛太子之孫是爲宣帝帝本名病已木仆應之斷枯復生后妃專恣政在臣下一曰仆木自起其地有小人作亂枯木仆而自起有僭亂謀叛者京房曰枯木復生主易代

漢元帝初元四年皇后曾祖父濟南東平陵王伯墓門梓柱忽生枝葉上出屈劉向以爲王氏貴盛將代漢家之象其後王莽自以爲符

建昭五年兗州刺史浩賞禁民私自立社山陽橐茅鄉社有大槐樹更伐斷之其夜樹復立其故處哀帝建平三年零陵有樹僵地圍六尺長十丈七尺民斷其本長九尺餘枯三月樹卒自立故處京房易傳曰棄正作淫厥妖木斷自屬天辟惡之晉懷帝永嘉六年七月豫章郡有樟樹久枯是月忽更榮茂占者曰懷愍淪陷之徵元帝中興之應

也

成帝咸和六年五月癸亥曲阿有柳樹枯倒六載是日忽復起生

九年五月甲戌吳縣吳雄家有死榆樹是日因風雨起立與漢上林斷柳同象初康帝爲吳王於時雖改封琅琊而猶食吳都爲邑是帝越正體饗國之象也曲阿先亦吳地象見吳邑吳雄之舍非偶然也

哀帝興寧三年五月癸卯廬陵西昌修明家有僵栗樹是日忽復起生時孝武年四歲俄而哀帝崩海西卽位未幾而廢簡之人承大業又不踰二年而孝武嗣立帝爲諱昌明實應西昌修明之祥亦漢宣同象也

孝武太元十四年六月建寧郡銅樂鄉枯樹斷折忽然自立相屬京房易傳曰棄正作淫厥妖木斷自屬又曰妃后有專仆木反立是時王道多僻其後張夫人專寵及帝崩人咸歸咎張氏
隋文帝開皇八年四月幽州人家以白楊木懸竈

上積十餘年忽生三條皆長三尺餘甚鮮茂仁壽二年春整屋人以楊木爲屋梁柱生三條長二尺京房曰妃后有專木仆反立斷枯復生是時獨孤后專恣又楊隋國姓也

枯木冬生陰陽易位不出二年其國有喪小人得志君子亡地地鏡曰竹樹葦材已死復生輔臣專改流其令又曰木死反生世主凶○京房占曰木枯復生內寵秉政不及二年國有大喪○木冬生其地有兵民流一日君失位政京房曰王者不平

鄉相有出走者○木冬榮黍不成○楊樹已落而復生葉必有下謀其上者○枯木生華有喪其國君當之○屋柱楯戟生華謂之狂華生於死木雖榮不久禍敗將至其王者當之

晉元帝大興四年王敦在武昌鈴下儀仗忽生華如蓮花狀五六日而萎落其後敦果以逆死木一歲再榮世主溺於女寵兵起京房曰木再榮於夏國有喪女主凶五穀不熟百姓疲作木一歲再華有兵民流京房曰其國女主凶○桃再花夏

有霜杏再花夏有雹李再花春有霜

隋高祖仁壽四年八月河間柳樹無故枯落既而華復生京房易飛候曰木再榮國有大喪是歲宮車宴駕

木一歲再實敵國來侵地鏡曰木再實有兵民流又曰木冬夏秋再實鄰敵來木葉再落其地有兵喪○木華非時而落去本七十步其地有兵民流一曰有暴兵自外來○木夏枯五穀不熟民疲木冬生夏枯其地有大兵民流亡○木無故自死其邑有凶在人家則有死喪在宮城則人主惡之在邑郭則長吏惡之在軍壘則軍凶○木忽自凋零向人家宅甚凶

夏桀末年社樹皆無故自死及成湯放桀於南巢竹栢枯死地鏡曰竹栢枯及百里是謂陰消陽其國亡竹栢葉枯不出三年其所有喪竹栢葉夏凋王侯失位松竹忽自死其地民饑兵起○霜下竹死兵起

王莽天鳳年中大霜竹多死是歲琅琊女子呂舟

舉兵秋葉大飛揚人離其鄉

榆莢不落國有大咎榆再美臣專政一日寬令

漢成帝元始元年十月榆生莢可食是時王氏專

政木冬華臣有邪誅結實事成不結實事不成

木非時而花實大臣變更記曰木不當花而花易

大夫不當實而實易宰相李梅冬實陰成陽事臣

專權作威福一曰冬當殺而反生臣驕當誅而君

失罰也一曰君政緩甚燠氣不藏故當冬而花實

復生董仲舒曰李梅冬實臣強也

晉懷公十二年冬桃李杏皆實後六年晉人殺懷

公于高梁魯僖公三十三年冬隕霜不殺草李梅

實是時三家始執魯政僖公薨而文公立魯國之

權悉歸三子是君政緩而臣專權之徵驗也

漢惠帝五年冬桃李花棗實是時諸呂用事

竹生實衆鳥羣行不出二年大饑地鏡曰竹忽生

花實而枯民饑主易又曰國中竹盡枯其國失地

○竹忽生紫花結實有內亂兵起

晉惠帝元康二年也西郡竹生紫花結實如菱皮

外青赤味甘三年賈后殺太后天下大亂
安帝元典三年荆江二州竹實如菱其後桓玄作
亂

草木化為他種占

稗化為稻易主變國凡五穀變種其占皆同○吳
孫亮五鳳元年六月交趾稗草化為稻占者曰昔
三苗將亡五穀變種此草妖也其後亮廢
枯樹化為松柏天下易主○栢化為銅其地大凶
國以弱亡凡木化為他木其占皆為易主

晉惠帝永康元年五月北武國有桑化為栢其後
趙王倫篡位張華遇害北武張華所封邑也

木上生木占

木上生木地鏡曰國益地一曰木上忽生他木所
生之國易姓在人家則有非其子孫而為之後者
○木生非種有并人民

晉海四公太和元年涼州楊樹生松占者曰松不
改柯易花楊者柔脆之木也今松生于楊豈非永
久之業將集危亡之地耶未幾而張天錫為苻堅

所滅

隋文帝仁壽元年簡州楊樹生松高三尺六節十二枝是時帝惑讒言廢嫡立次卒以亡國

○草木生非所占

宮城中忽生惡草其國將亡晉安帝義熙中宮城及御道左右皆生蒺藜未幾而晉亡

木忽生人屋上其地出聖人京房占曰木生君室其君有聖子○木忽生道中君失政一日其地分

裂○陵墓中忽自生樹國易政○軍壘中忽生五穀一軍愛賞是謂得天下助吉

竹木自拔自折自移自死占

木自拔倒其國將亂詩枝葉未有害本實先撥木無故而自拔者亂亡之象也

漢靈帝熹平五年十月壬午御所居殿後槐樹皆六七圍悉自拔倒根在上未幾有董卓之禍漢遂亂亡

齊後王武平七年宮中有樹大數圍夜半無故自拔其年齊亡

唐憲宗元和十五年九月己酉大雨樹無風而摧者十五六其後有陳弘志之事

木無故自折其國主亡無故則其地主民者當之
○樹自移來社中其國昌○社樹自移有大喪其
國君凶○社樹自死其國君亡○軍壘中草木無
故皆死軍凶○蟲食樹死其地人相侵害梁武帝
時有蟲食木葉皆盡時帝感佛法大興土木人力
殫竭

草木雜變占

竹木忽生白粉衣有死喪哭泣事○木有如霜雪
著枝名曰木凌其國邑有死喪○樹泣天下有大
水而樹濕者謂之樹泣其色赤則有兵○木無故
作聲謂之樹哭其邑有兵流血○木忽自鳴作金
聲其地有兵一曰地分裂地鏡曰木鳴主死○木
哭天下兵京房曰木哭虛邑實實邑虛

晉懷帝永嘉二年冬項縣桑樹有聲如解朴人謂
之樹哭四年冬東海王越南山五年卒於此城石
勒邀其衆圍而射之死者十餘萬人剖越棺焚其

屍洛京尋亦覆沒汲

木斷出血地鏡曰其地有兵京房曰伐木血出王

侯憂○魏武帝在洛陽起建始殿伐濯龍樹而血

出又掘徙梨根傷而血出心惡遂寢疾薨

林木生齒其地兵起○木葉無故自有傷缺王者

惡之隨所在占之○漢安帝延熹九年雒陽城局

竹栢葉皆有傷占曰天子凶

芝草占

芝草生於石山大川生而堅實日漸長大其地與

王若生於屋柱上不久而爛其地大臣災○芝草

在於溪澗其地民亡非嘉祥也○白芝出主有大

喪唐肅宗上元三年十月甲辰延英殿御座上白

芝一莖三花有喪象也

九疇倫敘

九如眉介

桐城方兆及子詒全閱

草木考驗

殷帝太戊有祥桑穀共生于朝一暮大拱太戊懼

管窺輯要卷之六十九終

管子卷之六十九

木斷出血地鏡曰其地有兵京房曰伐木血出王

侯曼○魏武帝在洛陽起建始殿伐濯龍樹而血

出又掘徙梨根傷而血出心惡遂寢疾薨

林木生齒其地兵起○木葉無故自有傷缺王者

芝一莖三莖百莖粟也安帝延熹九年雒陽城局

喪書熹宗土元三年十月甲辰英瓏嶺土白

并然齋斷其此另寸非嘉漸也○白芝出生首大

王莽土然星封土不入而斷其此大耳災○芝草

管窺輯要卷之七十

六安黃 鼎玉耳父纂定

侄九錫公位

九疇倫敘

九如眉介

桐城方兆及子詒全閱

草木考驗

殷帝太戊有祥桑穀共生于朝一暮大拱太戊懼
伊陟曰臣聞妖不勝德帝之政其有關與帝其修

德大戊從之而桑穀枯死伊陟贊言于成巫成巫殷賢

臣臣

漢成帝永始元年二月河南街郵樗樹生枝如人

頭眉目鬚皆具亡髮耳頭

漢哀帝建平三年零陵有樹僵地圍丈六尺長十

丈七尺民斷其本長九尺餘皆枯三月樹卒自立

故處京房易傳曰棄正作淫厥妖木斷自屬連續也

妃后有顛專木仆反立斷枯復生天辟天子惡之也

建平三年十月汝南西平遂鄉桂仆地生支如人

形身青黃色面白頭有鬚髮稍長大凡長六寸一

分京房易傳曰王德衰下人將起則有木生為人

狀狀

漢光武中元元年六月有赤草生于水崖赤草朱

草也日生一葉至十五日已後日落一葉周而復

始始

漢安帝元初三年有瓜異本共生一瓜同蒂時以

為嘉瓜其實草妖也

三國吳孫皓天紀三年八月建業有鬼目菜生工

人黃耆家伊綠棗樹長丈餘莖廣四寸厚三分又有蕒菜生工人吳平家高四尺厚三分如枇杷形上圓徑一尺八寸莖廣五寸兩邊生葉綠色東觀案圖名鬼目作芝草蕒葉作平慮遂以耆爲侍芝郎平爲平慮郎皆銀印青綬

孫皓天璽元年吳郡臨平湖自漢來穢塞是時一夕忽開除無草長老相傳此湖塞天下亂此湖開天下平又于湖邊得石函中有小石青白色長四寸廣二寸餘刻上作皇帝字於是大赦改元無幾吳亡而九服爲一

晉惠帝元康中洛陽南山有葉作聲曰韓尸尸識者曰韓氏將尸也尸尸者盡死意也其後謚誅而韓族殲焉

晉孝武太元十六年六月建寧郡銅樂縣枯樹斷折忽然自立相屬京房易傳曰棄正作淫厥妖木斷自屬妃后有專木仆反立

南宋孝武帝大明元年五月丙寅芳香琴堂東西有雙楠連理景陽樓上層西南梁拱間有紫氣清

暑殿西薨鷗尾中央生嘉禾一株五莖改景陽樓
爲慶雲樓清暑殿爲嘉禾殿芳香琴堂爲連理之
堂

南宋太始中益州市橋忽生小洲道士邵碩見之
曰當有貴人臨州及劉亮爲刺史齋前石榴樹陵
冬生葉亮以問碩碩曰此謂狂華宋諸劉滅亡之
象後二年君當終後九載宋當滅滅後有王勝熹
來作此州冀爾時蜀土平至齊武帝永明二年以
始興王鑑爲益州刺史勝熹反語爲始興碩言于
此乃驗按碩始康人元徽二年忽告人云吾命終
因卧而死後人見碩在荊州上明以一隻故履縛
左脚而行甚疾遂不知所之

南齊高帝幼時宅在武進縣宅南有一桑樹擢本
三丈橫生四枝狀似華蓋帝好戲其下從兄敬宗
曰此樹爲汝生也

高帝建元元年十月己丑荊州天井湖出綿人用
與常綿不異

南齊武帝初仕宋爲贛令江州刺史王子勛反上

率部曲百餘人起義避難揭陽山有白雀來集聞
山中有清聲傳漏响又于山累石爲佛圖其側忽
生一樹狀若華蓋青翠扶疎有殊羣木上將討戴
凱之大饗士卒是日大熱上各令折荆枝自蔽言
未終而有雲垂蔭正當會所會罷乃散

南齊永明中秣陵朱緒無行母病積年忽思菰根
羹緒妻到市買菰羹欲奉母緒曰病復安能食先
嘗之遂併食盡母怒曰我病欲此羹汝何心併啖
盡天若有知當令汝硬死緒便聞心中介介然卽

血明日而死

南齊建武初雁門解叔謙字楚梁母有疾叔謙夜
于庭中稽顙祈福聞空中語云此病得丁公藤爲
酒卽差卽訪醫及本草注皆無識者乃求訪至宜
都郡遙見一山中一老公伐木問其所用答曰此
丁公藤療風尤驗叔謙便拜伏流泣具言來意此
公愴然以四段與之并示以漬酒法叔謙受之顧
視此人不復知處依法爲酒母病卽差

南齊徐伯珍字文楚有隱德宅南有九里高山班

固謂之九巖山後漢龍丘萇隱處也山多龍鬚檉
栢望之五采世呼爲婦人巖伯珍移居之階戶之
間木生皆連理門前生梓樹一年便合抱館東石
壁夜忽有赤光洞然俄而滅白雀一雙棲其戶牖
論者以爲隱德之感焉

南梁天監中衛敬瑜妻王氏年十六而敬瑜亡乃
截耳置盤中爲誓手爲亡婿種樹數百株墓前栢
樹忽成連理一年許還復分散女乃爲詩曰墓前
一株栢根連復並枝妾心能感木頽城何足竒

南梁武帝中大通三年秋吳興生野稻飢者賴焉
南梁武陵王紀將僭號內寢栢殿柱繞節生花其
莖四十有六霍靡可愛狀似荷花識者曰王敦妖
花非佳事也果敗

侯景僭位都下王侯庶姓五等廟樹咸見殘毀唯
文宣太后廟四周栢樹獨鬱茂及景修南郊路伐
此樹以立三橋始斫南面十餘株再宿悉枿生便
長丈時旣冬月翠茂若春賊乃大驚惡之使悉斫
殺識者以爲昔僵柳起于上林乃表漢興之宜今

廟樹重青必彰陝西之瑞後侯景果被殺于胡豆
洲
南陳武帝永定二年七月詔搆太極殿初侯景之
平也太極殿被焚承聖中議欲營之獨闕一柱是
月有樟木大十八圍長四丈五尺流泊陶家後渚
監軍鄒子度以聞故有是命

南陳後主禎明二年有大風拔朱雀門臨平湖草
舊塞忽然自通後王又夢黃衣圍城乃盡去繞
橘樹又采木湘州擬造正寢棧至牛渚磯盡沒水

中旣而漁人見棧浮于海

北魏宣武帝正始二年秋七月有芝生於太極殿
侍中崔光上表以爲生非其地宜側躬聳意維新
聖道節夜飲之樂養方富之年則魏可以永隆皇
壽壽於山嶽矣於是魏主好晏樂故光言及之
北齊時陳留老子祠有枯柏世傳云老子將度世
云待枯柏生東南枝迴指當有聖人出吾道復行
至齊枯柏從下生枝東南上指夜有三童子相與
歌曰老子廟前古枯柏東南枝如繖聖主從此出

唐則天長壽二年十月萬象神宮側檉杉皆變爲
相象小人居君子之位也

唐玄宗天寶初臨川郡人李嘉徹屋柱生芝草狀
如天尊像

唐德宗興元元年春亳州真源縣有李樹植已四
十年其長尺有八寸至是枝忽上聳高六尺周迴
如蓋九尺餘李國姓也占曰木生枝聳國有寇盜
唐文宗太和九年冬鄭注金帶有菌生近草妖也
唐僖宗光啟元年七月河中解永樂生草葉自相
糝結如旌旗之狀時人以為棋子草占曰廿

兵

李全忠仕爲棣州司馬有蘆生其室一尺三節怪
之以問別駕張建建曰蘆茅類生於澤公茅土兆
也傳節者其三世乎光啟元年拜節度使傳子匡
威匡壽而已

南漢劉鋹大寶四年芝生宮中野獸觸寢門苑
中羊吐珠并旁石自立行百餘步而仆樊胡子皆
以爲符瑞諷羣臣入賀

宋太宗太平興國六年正月瑞安縣民張度解木
五片皆有天下太平字

宋太宗至道六年十一月襄州民劉士家生木有
文如魚龍鳳麟之狀

至道七年五月撫州修天慶觀解木有文如墨畫
雲氣峰巒人物衣冠之狀七月彰明縣崇僊觀柱
有文爲道士形及北斗七星象

宋真宗咸平元年七月百丈縣民李文寶禾生一
莖二十七穗六年七月涉縣民連罕田隔四隴同

穎

咸平六年五月導江縣民潘矩田生芝三層黃紫
色高五寸許九月相州牧龍坊生芝一莖色紫黃
長尺餘分七枝枝如手五指狀其最上枝類鳳者
知州張鑑以獻

真宗大中祥符元年五月辛未以東封遣經度制
置使王欽若祭文宣王廟於孔林得芝五株色黃
紫如雲色及人戴冠冕之狀詔內侍楊懷玉祭謝
復得芝四本輕黃如雲氣之狀八月欽若獻芝草

八千一百三十九本有貫草木附石連理及飾爲
寶山者九月趙安仁來獻五色金玉丹紫芝八千
七百十一本十月欽若等又獻泰山芝草三萬八
千五十本有並五連三連理者五色重暈如寶蓋
下相連帶凡草木五穀如寶山靈禽瑞獸之象六
百四十二詔令封禪日列天書輦前又送諸路名
山勝景及賜宰相

真宗大中祥符元年八月淳化縣民賀行滿田禾
隔四隴相去四尺許合爲一穗四年三月金水縣

民田禾一莖三十六穗

大中祥符六年七月己未召近臣觀嘉禾於後苑
有七穗至四十八穗繪以示百官

大中祥符六年十月丁謂來朝獻芝草三萬七千
一百八本飾以僊人寶禽異獸之狀十一月又獻
九萬五千一百本自後言祥瑞者歲無虛日

大中祥符七年遼州平城民田禾隔二隴合穗有
十三本或二十一本合爲一者
大中祥符八年四月彰明縣民家竹一根上分三

本十三節又開元寺桃竹一莖上分十八節皆相對十一月武岡縣民何文化園竹生兩株同本上分四莖
真宗乾興元年六月蘇秀二州湖田生聖米居民取以食興州竹有實如大麥民取以食占曰大飢
宋仁宗慶曆三年六月無爲軍獻芝草凡三百五十本上曰朕以豐年爲上瑞賢臣爲寶至於草木魚虫之異焉足尚之

慶曆三年十二月澧州獻瑞木有文曰太平之道

仁宗皇祐三年五月彭山縣上瑞麥圖凡一莖五穗者數本帝曰朕嘗禁四方獻瑞今得西川麥秀圖可謂真瑞矣其賜田夫束帛以勸之

仁宗至和二年六月應天府貢大麥一本七十穗小麥一本二百穗

仁宗嘉祐三年七月泰山上瑞麥凡五本五百一穗

宋英宗治平四年六月汀州進桐木板二有文曰天下太平

宋神宗熙寧元年益陽縣雷震山裂出米可數十萬斛賫至京師信米也但色黑如炭文曰熙寧八年三月地產物如珠可食水產菜如菌可為菹飢民賴之文曰

熙寧八年安喜縣禾二本問五隴合穗

神宗元豐四年徐州麥一本百七十二穗元豐五年青州安肅軍憲州禾皆異畝同穎

熙寧十年八月乙巳惠州柚木有文曰玉帝萬年天下皇極經世一

神宗元豐四年十月都縣天慶觀生瑞竹一本自第九節分莖雙起

宋哲宗元符二年二月瀘州生芝草一本同根駢幹至蓋復合為一

宋徽宗建中靖國五年淮西路民田既割復生實徽宗大觀四年蔡州麥一莖兩岐至七八岐者九十畝

徽宗政和二年知定州梁士野奏嘉禾合穗一科相隔五隴計六尺三寸生為一穗並中間隴內一

科三莖上生粟三穗

政和三年十月武義縣木根有萬宋年歲四字

政和三年十一月越州承天寺瑞竹一竿七枝幹

相似其葉圓細生花結實詔送秘書省仍拜表賀

政和四年八月建州境內竹生米數千萬石

政和四年十二月元氏縣民王寔屋柱槐木再生

枝葉高四十餘尺

政和中吉水李籌與弟衡葬母廬于墓左廬所產

木一本兩榦高丈許復合于一至其末乃分兩幹

五枝人以爲瑞

徽宗宣和二年四月永州民劉思析薪有天下太

平字

宋高宗建炎二年九月權知密州杜彥獻芝草五

葉如人指掌色赤而澤宰臣黃潛善奏色符火德

形象股肱之瑞高宗不啟視却之

高宗紹興元年七月浙西安撫大使劉光世以枯

粘生穗奏瑞高宗曰朕在潛邸梁間生芝草官僚

皆欲上聞朕手碎之不欲實此奇怪乃却之

紹興十四年四月虔州民毀欵木折柱木裏有文曰天下大平時守臣薛弼上之方大亂近木妖也

時秦檜擅朝喜飾太平郡國多上草木之妖以為瑞

紹興二十一年民家竈鼎生金色蓮花

高宗紹興間漢陽軍有挿榴枝於石罅秀茂成陰歲有花實者初郡獄有誣服孝婦殺姑婦不能自明屬行刑者挿髻上花於石隙曰生則可以驗吾寃行刑者如其言後果生

宋孝宗淳熙十六年七月晉陵民折薪中有木字

曰紹熙五年如是者二是時紹熙猶未改元其後

果止五年

光宗年號

宋瀛國公德祐二年正月寶應縣民折薪中有天下太平四字獻之制置使李庭芝賞之以錢五千金衛紹王至寧元年宣宗彰德故園開白花如鷺鷥藤紫雲覆城上數日俄而入繼大統是歲八月癸巳衛紹王遇弒海水不潮寶抵鹽司懼其虧課致禱無應九月丙午宣宗即位乃潮初衛王即位改元太安四年改曰崇慶既而又改曰至寧有人

謂曰三元大崇至矣俄而有胡沙虎之變

金宣宗興定四年華州渭南縣民裴德寧家伐樹破其中有赤色大字表裏脗合有司言與唐大曆中成都瑞木有文天下太平者其事頗同蓋太平之兆也乞付史館

元成宗元貞元年太平路蕪湖縣進榆木有文曰天下太平年

元順帝仍改至元元年十二月芝草生于荆門州當陽縣覆船山一本五幹高尺有二寸一本二幹

高五寸有半幹皆兩岐二本相依附疎瑰奇如珊瑚枝其高者結爲華蓋慶雲之狀

順帝至正三年夏上都大都桑果葉皆有黃色龍文

至正十六年六月彰德路葦葉順次倚疊而生自編成若旗幟上尖葉聚粘如槍民謠云葦生成旗民皆流離葦生成槍殺伐遭殃又有黍自生成文紅楷黑字其上節云天下太平其下節云天下刀兵

至正十六年七月彰德李樹結實如小黃瓜民謠云李生黃瓜民皆無家

至正二十一年明州松樹結實其大有盈尺者八月汴梁祥符縣邑中樹木一夕皆有濕泥塗之

管窺輯要卷之七十終

管窺輯要卷之七十一

六安黃鼎玉耳父纂定

男九命簡臣

九思視先

九成

桐城方兆及子詒全閱

野鳥巢集宮殿宅上占

野鳥巢宮室或門上宮室將虛一曰其宮室王者不居又曰鳥巢君門殿屋君出殿空又曰野鳥巢

君宮室不出三年夷狄內侵○鳥巢在人屋是謂
易常民更改○野鳥集君宮其君出亡○鳥羣立
君門上其君死○飛鳥羣聚宮闕其君失國無後
國亡○白鳥集庭宮室將空○野鳥入君宮其君
不復出入賈誼曰野鳥入室主人將去一曰野鳥
入人家其宅必空亦爲有火盜死亡地鏡曰野鳥
入人家勿殺之殺之有殃○野鳥宿人屋中其地
血流○野鳥鳴君門上作人聲君亡鳥鳴官署官
署空鳴人家其家主亡○人家宅舍夜後禽鳥喧
噪不出一月有喪○鳥鳴音如哭泣有死喪

漢昭帝時有鵙鵙或曰禿鷲集昌邑王殿下王使
人射殺之時王馳騁無度慢侮不臣不敬至尊故
野鳥入其宮而王不悟卒以亡國

漢獻帝建安二十三年禿鷲集鄴宮昌帝後池明
年魏武王薨文帝黃初三年又集雒陽芳林園池
七年又集其夏文帝崩景初末又集芳林園池已
前弄集輒有大喪明帝惡之其年崩

魏明帝景初元年陵霄闕始構有鵙巢其上帝以

管子車要 卷之七十一
問高堂隆對曰詩曰維鵲有巢維鳩居之今興起宮室而鵲來巢此身不得居之象也天戒若曰宮室未成將以他姓制御之不可不深慮也帝動色晉成帝咸和二年正月有五鷗鳥集殿庭是時庾亮違衆而召蘇峻峻至果反宮掖焚毀化爲汙萊言不從之咎也

孝武帝太元十六年六月鵲巢太極殿東頭鷗尾又巢國子學堂西頭十八年東宮始成十九年正月鵲又巢其西門及帝崩後安帝嗣位桓玄始篡

晉祚卒移於宋

北齊後武平七年有鶴巢太極殿又巢并州嘉陽殿又有雉集晉陽宮御坐獲之其年國滅
周大象二年二月有禿鶯集洛陽宮太極殿其年帝崩後宮常虛

隋煬帝大業十二年二月甲子夜有二大鳥似雕飛入大業殿止於御幄至明而去十三年十一月鳥鵲巢帝帳幄驅不能去帝尋遇弒

宋高宗建炎三年上在揚州三月辛亥早朝有禽

飛鳴行殿三週再止於宰臣汪伯彥朝冠是日胡兵入揚州帝倉卒度江後二十日伯彥罷相坐貶陳後主時蔣山有象鳥鼓翼而鳴曰奈何京房易飛侯曰鳥鳴門闕如人音邑且亡蔣山吳之望也鳥於上鳴吳邑空虛之象及陳亡而建康爲墟

大鳥部占

鳥者按書云兩足而羽謂之禽而人有變動之事天地祇使之告聖賢驗之情類卽知吉凶故爲記錄耳

鳳凰降帝德昌鳳者赤精四指黃身蛇頸魚尾鶯翼有五色君有聖德而至飛而可以上天也○比翼鳥至君德及幽

白鳩見君不以新失舊○大鳥在王殿門上作巢者有夷人伐

鸛鳴人君屋上及巢有大水至人民流散國將亡滅白鶯來巢勝有別穀不登有兵○鸚鵡巢人君宮室不出三年夷狄內侵○野鳥飛入人君宮室其邑墟其主崩○羣鳥飛象人形者爲兵○衆鳥

作蛟龍形者邑有兵○衆鳥飛作蜂蠅形者有大災○鳥飛作六畜形者有兵○鵠巢樹此爲五殺邑亡其歲民多死

鴻雁之屬來翔宮府上兩日或三日羣謀將起大兵且至

鳥鳴人君門上作人聲其君亡○鳥獸蹤橫兵起衆鳥下飲人家井水者家虛○野鳥來邑中生子民飢虛○有鳩一首三身者其地凶○鳩巢屋宇此謂去常君亡其地有兵

鳥巢城上及城下不出一一年其城有兵圍○衆鳥積水上女持政兵革興不出一四年王道絕○鳥巢國中樹歲熟且安邑中終年無事○雉相戲於君殿及闕上主災○野鳥翔來止及市中屋舍上邑大虛○野鳥來止於邑中其地流血

鳥鵲自死於室中及屋上人君宮室門上其地凶○水鳥啣魚置宮寺屋上不出一二年有大水壞城邑
大水○水鳥啣魚置宮寺屋上不出一二年有大水壞城
有鳥黃身黑頭白尾腹赤並惡飛鳥主人君失地

之兆○白勞鳴在人君屋室上凶若聚集居歲中
有大水○若鬪于屋上及呼鳴不止不出三年禍
起○羣鳥夜鳴國邑不安不有征行分野易治奸
謀欲起○鳥青身尾白王猛威法則○野禽與家
犬豕鬪賊將至○衆鳥翺起障日羣下有謀宜警
備○衆鳥宿城上頭向內城被圍向外則破於衆
兵○衆鳥飛舞於市邑有兵○衆鳥飛入人家大
凶

鳥與家雞淫世主亂外臣有橫謀兵將起○雀巢
井中賊人伐君○客雀從他邑來歲飢民流○雀
巢木上大水及大兵起○雀與鷺鬪內亂鄰國有
兵起○雀衆多先水後旱冬有兵君無恩及人
雀下竹女主將政憂水○雀不見年飢○雀無故
穴居邑有兵○雉巢木上大水至○雉入人家有
憂○雉巢邑中其邑墟○雉羣鳴國將分一云兵
動○雞入井中有牢獄事○雞與野鳥鬪國亂雞
無故自犯主虛耗○雞無故自翺去人家有蠱○
雞不肯入窠樹上栖凶○雞無故飛來不去家有

暴死雞不卵生西雜異形皆爲兵及水憂
雞日午不下窠栖及雌作雄聲仍生冠距皆女主
亂政○雞卵化爲蜂蠅主虛邑○雞化西生子爲
鼠邑有火災○雞與野鳥鬪入人家其君不復居
主亡○雞聚鳴軍兵起動○衆鷓無故立成行在
人家屋上者凶○衆鳥無故下食於邑中民飢之
兆○

黃昏有雞頻鳴邊庭有賊動○雞生角則主濁○
昏夜有雞鳴軍心有遠戰天子憂○白鳥城上東
西顧望者軍破城陷
羣鳥聚集或相噪所見之處有流血○羣鳥立於
門上其軍死○羣鳥相連於軍上有暴兵至主有
攻戰羣鳥翻覆相擊逐者必有大戰流血之災○
軍出交野鳥逆之是謂受福敵人伏降○軍將戰
有羣鳥後來急擊勝從前來有賊宜備之○衆鳥
徘徊於軍上必有暴兵至不出三日鵲凶尤甚
凡大鳥殺物於軍前後有大功○凡鳥從德鄉來
利刑鄉來凶歲月刑德前五辰也○大鳥逆行陣

卒過有伏兵○衆鳥鳥四向鳴軍中有暴兵戰不出一月○飛鳥千萬數止軍上將軍死○軍營上有衆鳥紛泊兵馬必去恐賊潛伏鳥驚之處賊多隱伏○鳥鳴軍中一聲有喜五聲宜將戰必大勝三聲有警急固備之吉○屯營之處有白鳥鵲雀等此是兵災軍當破亡

白鳥羣飛遨遊旗上將軍和秩勅賜優賞○羣鳥交飛爭泊立軍鼓之上者其將病死宜謹身修德免災○鳩鴿鳴軍中暴賊欲至三日五日竒伏備之

鷹頸之類入軍中捕鳥有姦人謀反欲擬殺將害軍宜固守○鳥從行軍後鳴逐軍而過前者此得天之助送以喜之聲不鳴而過前亦吉有鳥飛翔有迴繞於行軍之左戰必大勝獲敵軍糧○小鳥鬪於軍前攻擊不獲亦主軍退鳥鳴來逆行軍是謂挫鋒之應不宜攻城合戰堅守還軍吉○鳥鳴飛於軍前左迴繞於軍右戰之不尅抑亦主將有喪亡一云有伏兵○博勞鳥於

軍營前後賊欲屠吾軍勿令士卒相通軍分之象
鳥從敵陣上來宜收軍不戰固守之吉○鳥集軍
營之上此是不利之兆將宜改令撫衆吉

鷹鵠鷓鴣之屬飛過軍營或遨其上或捕鳥空中
賊有虜掠之謀急固備之○有鳥赤頭黃身飛入
軍中有降城拔邑之兆宜備急攻之大勝

鳥飛入軍中人皆不識此熒惑入營宜移不移軍
敗○有鳥飛翔來于軍上或起或止相擊相攻半
道有賊宜自防備

鳥飛隊亂於軍前必有急兵暴至與賊戰不出三
四日○衆鳥來圍營暴賊密來至不出三四日宜
固守防之○羣鳥先在彼防敵人有謀潛伏分騎
備之○鳥鳴刑上奸人入軍嚴切備守勿令外內
相通此破軍之象急移之吉○有鳥千萬從敵上
來逆過我軍而去我軍先進而後必退

鳥從彼軍來飛而漸高敵人兵銳勿與攻戰吉○
衆鳥圍賊之城急攻賊破惡鳥入營長軍敗賞勞
士卒警備之吉

急有羣鳥而來逆過軍行其軍必敗○營多鳥集將軍宜施恩急賞士衆欲擬謀將軍○羣鵲所向隨鵲攻勝天之引軍神道相應

羣鳥鳴軍欲過千里去人難迴○羣鷓集聚城營流血城破可以取之在我軍急宜優恤賞賜之吉大鳥飛來遊我軍中敵人欲降將軍封秩必立大功○軍發在路飛鳥來多敵有騎馬相蹉急宜備之○鳥起軍左還泊軍右賊有伏兵急宜探候隨鳥捕之賊可擒首○鳥入軍幕內與外謀親人叛

欲屠其將○野鳥入營敵來殺將須警察備之賊人却往

黃鳥赤首入吾軍營一云榮惑軍將敗賊賊欲詐降防備即吉

雉飛軍中看其來處德鄉加秩刑殺防備○凡鳥四孟鳴宜爲主人鳥鳴四季兩陣相傷鳥鳴四仲爲客者勝○鳥鳴丑上爲之客墓客凶○鳥鳴未上爲之主墓主人凶

凡鳥鳴及來處看其日辰六情占之德鄉刑殺四

時王相囚死休廢之方以占吉凶○在王相言貴
人事○休日庶人事○囚日囚擊事○死日死喪
事○六情亥卯陰賊申子貪狼之屬也○鳥
凡老鳥尤至鳥伏翼皂鵬鳥黃金鸚鵡皆凶○
鳥鵲鸛鵠吉說云甲子旬鳥有從酉來任一兩口
飯久始去大吉之象去後有人來投或說事並是
好人赤心也

鳥從午未來任一兩口飯久去凶午未爲金門刑
殺上來有外人來投急須擒捉欲作陰謀來相害
鳥從戌亥上來停一兩口飯或有外人來如政大
行奸詐勿受之

甲戌旬有鳥從戌來不鳴沉吟一兩口飯久即去
於後有消息有人投來說之實事大吉○甲戌旬
來有青龍華蓋下有鳥及人來大吉○有鳥從辰
巳地來任一兩口飯或有人來即須警察欲作屠
害大凶辰未爲刑殺
有鳥從申酉地來任一兩口飯久始去於後續有
事至及外人投必有好惡○甲戌酉爲陰殺陽孤

甲申旬鳥從甲上來止一兩口飯久鳶鳴嘆卽吉
後續有事及有人來此極良善之吉○從寅地來
止一兩口飯久去或有人來及事並是奸惡欺詐
此從刑來勿信囚之立敗他倣此占

野鳥巢城上下不出一年城圍一曰城空

野鳥來邑中生子歲飢其邑虛衆鳥集止城上首
內向邑被圍首外向邑兵行大以非常之鳥樓集
城邑此謂劍吏其邑有兵野鳥入宿邑中及附木
身兵起邑空

野鳥羣鳴城邑或鳴作人聲皆爲其城邑爲墟○
衆鳥集城邑或木上鳴若哭泣兵起其城人不居
衆鳥羣鳴城中城上人盡墟不飛鳥翔舞於市邑
有兵災飛鳥羣翔翳日羣下有陰謀○衆鳥羣下
飲井地鏡曰兵地其邑爲墟

鳥巢井中賊伐君○衆鳥下飲人家井其家墟○
衆鳥集城邑屋上立成行其城邑凶○城邑中終
歲無鳥雀兵起其地故墟無人忽有羣鳥日日來
集其地必復爲邑

後齊孝昭帝天統三年九月萬春鳥集僊都苑京
房易飛候曰非常之鳥來宿邑中邑有兵周師入
鄴之應也

宋高宗建炎四年胡兵起圍陝府有鳶鴉數萬飛
噪城上與戰聲相亂胡將婁宿曰城當陷急攻之
遂失守

鳥鬪占

衆鳥自相鬪死其地有兵戰邑無人居一曰鳥雀
羣鬪其國兵起○蜚鳥與之獸鬪橫兵方起京房
曰國有殃有兵戰○雀與燕鬪內亂兵起京房曰
賤臣爲寇○鷄與野鳥鬪入人家同若戲其家主
亡不復

漢景帝三年十一月有白頸頭鳥與黑鳥羣鬪楚
國呂縣白頸不勝墮泗水中死數千時楚王戊無
道與吳王謀反鳥羣鬪者師戰之象白頸者小明
小者敗也其後王戊反兵敗走爲人所殺京房易
傳曰逆親厥妖白黑鳥鬪於國元鳳元年有鳥與
鵲鬪燕王公池上鳥墮地死時燕王旦謀亂伏辜

楚燕皆骨肉藩臣以驕怨謀逆俱有鳥雀鬪死之祥楚以萬數鬪於野外而白頸者死燕獨一鳥墮水而死楚以悖逆舉兵大戰而敗暴骨於野燕謀未發獨王自殺其驗顯矣此天道精微之効也京房占專征劫殺厥妖鳥鵲鬪

靈帝中平三年八月中懷陵上有萬餘爵先極悲鳴已回亂鬪相殺皆斷頭懸着樹枝枳棘到六月靈帝崩大將軍何進以內寵外嬖積惡日久欲悉糾黜而太后持疑不決進反遇害漢遂亂亡

晉安帝雍熙三年龍驤將軍朱猗戍壽陽婢炊飲忽有羣鳥來啄食之有狗咋殺兩鳥餘鳥因共啄殺狗又食其肉唯餘骨在明年六月猗死

鳥焚巢占

鳥焚其巢王者絕世京房曰君政暴虐則鳥焚其巢

漢成帝河平元年二月庚子泰山桑谷有鳶焚其巢男子孫通等聞山中羣鳥聲往視見巢燃盡墮地中有三鳶殼燒死太守以問易曰鳥焚其巢族

管子地員篇
卷之七十一
人先笑後號咷泰山五岳之長王者易姓告代之
處也天戒者若曰勿近貪虐之人聽其賊謀將生
焚巢自害其子絕世易姓之禍其後趙飛燕得幸
立爲皇后姊妹專寵後宮有子者殺之並殺其母
帝崩後坐誅此焚巢殺子先笑後號咷之應也或
曰王莽貪虐而任社稷之重卒成易姓之禍京房
易傳曰人主暴虐鳥焚其舍

鳥或自死占

野鳥無故自死宮庭之中兵起軍憂死人家屋上

其家有災死營壘之中軍凶

鳥異狀占

鳥有人形爲兵鳥有畜獸及蛟龍形有兵大人憂
鳥有蜚蟲蜂蝶形其邑有火災

鳥集廟朝占

野鳥入朝堂中有小人亂於宮中人主女后皆惡
之水鳥集於廟堂執政者非其人京房曰辟退有
德厥妖水鳥集于國中鳥鵲羣鳴於朝羣臣交相
爲害

隋煬帝大業末年京師宮室中忽有鴻雁無數翔集其間俄而長安不守

禽鳥生子非其類占

燕雀生非其類子不嗣世京房曰賊臣在國家將授於人則有燕生雀雀生燕一曰燕生雀諸侯鑠周赧王二十九年宋有雀生鸛史占之曰小而生大必霸天下宋康王喜起兵滅滕伐薛東敗齊南敗楚西敗魏與齊魏爲敵國欲霸之亟城射天笞地斬社稷而焚滅之又爲長夜之飲天下之人謂

之桀宋齊潛王起兵至民散城不守宋王奔魏死

於温

魏黃初元年未央宮中燕生鷹口瓜俱赤景初元年又有燕生巨殼於衛國李蓋家形若鷹而吻似燕高堂隆曰此謂室之大異防鷹揚之臣於蕭牆之內其後司馬懿誅曹爽遂有魏室

禽鳥巢非其所占

凡穴處之禽不穴而巢者陰居陽位也其占爲君失其所雀巢於木京房曰茲謂上祿臣棄其職又

曰有大水地鏡曰其地兵起雀穴土而居其地有兵穴○雀巢井中賊臣伐君

雉巢木上大水且至雉巢宮室宮室將空鵲巢於穴歲多大風

吳孫權太元二年正月封前太子和爲南陽王遣之長沙有鵲巢其帆檣和故官僚聞之皆憂慘以爲穡木傾危非久安之象是後果不得其死唐明皇天寶十三載葉縣有鵲於車轍中巢鵲不巢木而巢地失其所也

至德二載安祿山將武令珣圍南陽有鵲巢於城中砲機三雛成乃去

唐武德初隋將堯君素守蒲州有鵲巢其砲機鳩巢室上兵起國失地鏡曰鳩不巢木而巢屋此謂去常君亡其地鵲巢園樹京房曰人安歲熟鵲巢殿上世主衰國且伐○鵲巢樹上地鏡曰邑亡歲苦人多死○鵲巢屋上且有大水民流散○鵲巢殿門賢人伐世主衰

鳥却飛占

管子地員篇 卷之十一
鳥却飛世王失國○春秋宋襄公時六鷁退飛過
宋都襄公不量力與楚爭霸會盟而被執戰於泓
而師敗宋遂不競此其徵也

燕占 燕占 燕占 燕占 燕占 燕占 燕占 燕占 燕占 燕占
山出白燕京房曰其地有貴女○白燕來巢地鏡
曰妾媵有別則白燕來巢白燕白首赤喙翼尾如
素衆燕隨之年穀不登發兵大行燕羣見地鏡曰
玄鳥羣飛水大興女主持政兵起王道絕不過四
年燕羣鬪國兵起內外飢於寇

燕自經死京房曰爲政者凶視其妖發之地燕白
外啣土入置之地其國益地自內啣土出置之地
其邑亡○衆燕環城外降

雀占

雀忽衆多君無恩其地先水後旱有兵○客雀從
外來與土雀鬪歲中穀貴人流亡雀忽不見其歲
飢

水雀啣魚置宮室上地鏡曰不出三年有大水壞
城郭○水雀棲竹女主執政國憂有水災水雀棲

木君行陰道不出三年兵起

雉占

雉入宮室或止宮闕之上倉且去其宮○雉入人家空入宮署宮署空雉入國邑相戲鬪人主失其國邑○雉入人家亦為有悲憂哭泣之事

雉從宮室中飛出其所向大凶○雉自死宮中君去宮在人家則宅長當之在宮署則長吏當之雉羣鳴國中國將分

晉海西公時有野雉集於相風尋為桓温所廢

鳩占

鳩羣集城屋而鳴其邑墟○鳩一首三身其地大殃

鳥鵲占

羣鴉聚散分合如布陣勢所見有兵羣鳥集城營上或鳴噪有血流鳥夜鳴有征行不然其地易主者

鵲夜鳴京房曰其地有兵地鏡曰鵲夜飛鳴兵且起其邑墟

管窺輶要 卷之十一
鵲相鬪死其地兵起邑空死宮中人主亡死人家
其家有凶鵲羣下集地而噪其地有兵鵲羣飲井
中水兵起邑墟

鵲無故自死宮室或人家門上皆為有喜○野鵲
衆多其地先水後早有兵○白鵲見有兵喪不利
攻伐○鳥鵲羣飛夜鳴其郡邑有警

鳥鵲為巢門向東開則其歲多西風餘方準此若
門向天開則四維八方皆有風且多風而少雨
凡人欲行忽有鵲在背後鳴者勿行若向人前鳴

者行有喜若飛鳴而橫過大喜

水鳥占

鴻雁鳧鷖翔集宮闕之上或一二日羣謀將起大
兵且至鵠集至上有水災

鷺鳥占

鷹鷂人人家有爭訟

伯勞占

伯勞聚居其地歲中大水○伯勞鬪人屋上及鳴
呼不止不出六十日禍起

禽鳥雜占

比翼鳥至王者德及幽隱○文鳥居野不出三年有死君

五色鳥見黃帝占曰天下大凶有雄名曰最鷓鳴曰極

衆鳥集水上姦人持政兵革大興衆鳥羣下集地其地將墟野鳥飛入軍府其軍將去國中樹終歲無鳥來兵地白鳥來巢國中樹歲熟人安

雞占

雞夜鳴有急令戎馬興○雞昏鳴人民有事一日女主任政其國亂○雞人定時鳴有兵戰○雞夜半鳴流血滂滂京房曰有軍軍罷若有驚亡將軍妻死○雞不以時鳴其國當之

雞聚鳴其地有大兵○雞鳴必飛或走天子失勢雞鳴不鼓趨國有大咎一日肘腋臣爲變

雞據棲而鳴其邑令免○雞至晚無故忽自驚鳴其家人病○鷓雞作雄鳴女子亂政若在人家的則

妻妾姦謀故曰牝雞晨鳴其家不榮

雞上樹不上棲其家有凶○雞至日中不下棲女

子亂政妻妾姦謀一曰婦人凶雞累日不下樹京

房曰其邑有水災○雞暮不棲宿有水災有兵喪

○雞窺井其家有牢獄事

雞無故宮殿立闕上其君去○雞無故飛上人身

其人有疾病○雞無故自飛去其家有蠱○他雞

無故飛來不去有暴死○雞無故自死在宮中其

君凶

雞生角衆小在位其地有兵角兵象也一曰臣專

政有謀其地角生而復落者所謀不成京房曰雞

生角世主獨

雞生三足或四距皆爲有逆臣京房曰君用婦言

則雞生妖雞生兩首人主信用羣小○雞生兩首

四翼其家主有殃○雞生無翅后妃謀害王子孫

雞生鴨脚其家凶其國兵亂○雞生子不完其邑

有凶○雞生鼠其邑有大殃一曰有兵有水災

雞不邛而生子作獸形有兵亂其邑墟嶋雞生冠

距女子亂政妻妾姦謀婦人凶○雄雞生卵有改換嶋雞化雄下將奪上

雞與野鳥入人家戲鬪其室不居入宮人主出入邑邑有亂臣叛其君一日貴人相戮有血流○雞與野鳥交世主內亂外人有謀兵起○

雞鵝鴨無故自死其家虛耗一日有疾病不安○雞鴨無故飛鳴上屋有死喪刑傷事○鵝鴨雞忽作人聲其家大喜慶○鴨作鵝聲其家有朶莧官

災

春秋傳周景王時大夫賓起見雄雞自斷其尾時王有愛子朝王與賓陰謀立之田於北山將因兵衆殺適子之黨未及而王崩三子爭國王室亂賓起誅子朝敗而奔楚京房易傳曰有始無終厥妖雄雞自斷其尾

漢宣帝黃龍元年未央殿輅軫中嶋雞化爲雄毛羽變化而不鳴不將無距

元帝初元中丞相府史家嶋雞伏漸化爲雄冠距鳴將

永元年中有獻雄雞生角者占口周書曰牝雞之晨惟家之索此係國家之休咎
黃龍元年宣帝崩元帝立王妃將爲后故是歲未央殿鷓鴣雞化雄其占在正宮也不鳴不將無距貴始萌而尊未成也

初元元年立王妃爲后以后父丞相少史王禁爲陽平侯明年王后子爲太子故應丞相府史家鷓鴣雞化爲雄其占卽丞相少史之女也伏子者明已有子也冠距鳴將尊已成也

永光二年禁薨子鳳嗣侯元帝崩成帝遂委政元舅王氏之權自鳳始故於鳳初受爵時雄雞生角明視作福威專君危國從此人始也其兆著矣後漢靈帝光和元年南宮侍中寺鷓鴣雞欲化雄一身毛皆似雄但頭冠未變詔問議郎蔡邕邕對曰貌之不恭則有雞禍臣竊推之頭者元首人君之象今雞一身已變未至於頭而上知之是將有其事而不遂成若應之不精政無所改頭冠或成其忠茲失矣後張角作亂破壞四方

魏明帝景初二年廷尉府中鷓雞化雄不鳴不將于寶晉紀曰是歲宣帝平遼東百姓始有與能之意是其象也晉三后並以人臣終而不鳴不將又天意也

晉元帝大興中王敦鎮武昌有鷓雞化爲雄臣將陵王其後敦再犯京師

孝武太元十三年四月廣陵高平閭高家鷓雞生無右翅彭城劉家雞有三足京房易妖占曰君用婦言則雞生妖是時主相並信尼媪之言

安帝隆安元年八月瑯琊王道子家青鷓雞化爲亦雄雞不鳴不將占曰此桓玄篡位而不能成業之象也

四年荊州有雞生角角尋墮落是時桓玄始擅狂慢不肅故有雞禍角者兵象尋落者暫起不終之象也其後如占


元興二年衡陽有鳴雞化爲雄八十日而冠萎衡陽桓玄楚國之邦畧也及玄篡位果八十日而敗隋文帝開皇中有人上言頻歲以來雞鳴不鼓翅

類腋下有物妨之翮不得舉肘腋之臣當為變矣
書奏不省其後大臣多被誅夷諸王廢黜太子幽
廢楊素譖行其言果驗

天下雞多夜鳴京房占曰雞夜鳴有急令又曰昏
而鳴百姓有事人定鳴有戰夜半鳴流血漫及申
年已後軍國多被用度不足急暴賊責成宰民不
聊生並起為盜戰爭不息骸骨被野

唐高宗景龍二年滑州民家雞三足時政出后宮
用婦言之妖也

大中八年考城縣民家雄雞化雌伏子而雌鳴雄
化為雌尊化卑也唐室於是遂衰



管窺輯要卷之七十一終

管子地員篇

卷之七十一

三

